

# Ժողովուրդ

71  
(2737)

20 մայիսի շաբաթ 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ԹՈՎԱՄԱՍՅԱՆԻ ՀԱՐՑԸ ՀԵՏԱԶԳՎԵՑ



«Ժողովուրդ» օրաթերթի տեղեկություններով՝ ԶՊ վարչության վերջին նիստի օրակարգում եղել է երկու հարց: ԶՊ-ամերթ մեր աղբյուրների փոխանցմամբ՝ առաջին հարցը եղել է ՀԱՊԿ-ի թեման, իսկ երկրորդ հարցը՝ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանին պաշտոնից հեռացնելու մասով նախագծի քննարկումը: ՀԱՊԿ-ից դուրս գալ-չգալու մասով Փաշինյանը թիմակիցներին հրահանգել է այլևս փակել թեման, հանել այդ հարցն օրակարգից, որտեղ հայտարարություն չանել ՀԱՊԿ-ից դուրս գալու մասով՝ պատճառաբանելով, որ, ճիշտ է, ՀԱՊԿ-ը չի կատարում իր պարտականությունները, բայց այդ կազմից դուրս գալը շատ թանկ գին կնստի ՀՀ-ի վրա: Ինչ վերաբերում է Թագուհի Թովմասյանին պաշտոնից զրկելուն, ապա տեղեկացանք, որ վարչության անդամներից մի քանիսն ասել են, որ հիմնագուրկ է Թովմասյանին պաշտոնանկ անելու նախագիծը: «Չենք կարող պաշտոնից հեռացնել հանձնաժողովի նախագահին՝ նիստի անդամների խոսքը չսահմանափակելու հիմքով: Թույլ հիմքեր են ներկայացվում. խայտառակ կլինենք», - ներկաներից մեկը մոտավորապես այսպես է արտահայտվել: Հնչել է նաև տեսակետ, որ այս փուլում դա ամենակարևոր հարցը չէ, որով պետք է իշխանությունը զբաղվի: Ի վերջո, որոշվել է Թովմասյանի պաշտոնանկության հարցը այդ պահի դրությամբ հանել օրակարգից, համեմայնադեպ, երեքշաբթի մեկնարկող ԱԺ նստաշրջանում չի լինի այդ հարցը: ԶՊ-ական մեր աղբյուրները փոխանցեցին նաև, որ ԱԺ միակ ընդդիմադիր պաշտոնային հեռացնելու հարցն օրակարգից չի հանվել. պայմանավորվել են Թովմասյանի հարցին անդրադառնալ՝ հունիսի վերջին քառօրյա ընդառաջ: Այսինքն՝ հարցը վերջնականապես փակ չէ, ԶՊ-ն այն թողել է օդում կախված:

Ինչպես արդեն հայտնել ենք, ԱԺ-ում երեկ տեղի է ունեցել Նիկոլ Փաշինյանի եւ ԶՊ-ականների դնփակ հանդիպումը, որը տեղի է երկու ժամից ավելի: «Ժողովուրդ» օրաթերթին բացառիկ մանրամասներ են հայտնի դարձել Փաշինյանի եւ ԶՊ-ականների փակ հանդիպումից: Նախ տեղեկացանք, որ ԶՊ-ականների համար անակնկալ է եղել Փաշինյանի՝ ԱԺ գալը. վերջին պահին են իմացել, որ վարչապետի հետ հանդիպում է նախատեսված, եւ շտապել են ԱԺ: Հանդիպմանը, բացի պատգամավորներից, ներկա են եղել նաև դեռևս ԱԻ նախարար Արմեն Փամբուխչյանը, ԿԳՄՍ նախարար Ժաննա Անդրեասյանը: ԶՊ-ականները ոչ ամբողջ կազմով են ներկա եղել վարչապետի հետ հանդիպմանը, քանի որ մի մասը գործուղումների են: Հանդիպման հիմնական օրակարգը եղել է կիրակի օրը Բոյունսելում տեղի ունեցած Փաշինյան-Ալիև-Միշել հանդիպումը եւ մյուս շաբաթ մեկնարկվելիք ԱԺ քառօրյան: Փաշինյանը նախ ներկայացրել է բոյունսելյան հանդիպման մանրամասները, ամփոփել է արդյունքները, իսկ ԶՊ-ականները հիմնականում լսողի դերում են եղել, միայն նրանցից մի քանիսն են հարցեր ուղղել Փաշինյանին: Թեև Փաշինյանն ասել է, որ մի շաբթ կարելու հարցերի շուրջ չի հաջողվում Աղբյուրների հետ համաձայնության գալ, բայց, ընդհանուր առմամբ, Փաշինյանը եւ ԶՊ-ականները դրական են գնահատել Բոյունսելում հանդիպումը: Առաջիկայում Մոսկվայում եւ Քիշնևում սպասվող հանդիպումներին Փաշինյանը չի անդրադարձել: Նիստի վերջում քննարկվել են ներքաղաքական, կուսակցության գործունեությանը եւ քառօրյաին առնչվող ընթացիկ հարցեր:



ՀՀ նախագահի լիազորությունների իրականացման համար ՀՀ պետական բյուջեից տրամադրվում են մեծ գումարներ, սակայն Վահագն Խաչատուրյանի աշխատանքի արդյունավետությունն այդպես էլ չի երևում: Խոսենք թվերով. 2022 թվականին նախագահի լիազորությունների իրականացման համար ծախսվել է 1.2 մլրդ դրամ, ընդ որում կատարողականը 92 տոկոս է եղել, այսինքն՝ նախագահը սիրով ծախսել է իր կառույցին բաժին հասած գումարը, մեկնել գործուղումների, հյուրասիրություններ կազմակերպել: Ինչպես հայտնի է, 2022 թվականի մարտի 3-ին 71 կողմ ձայներով Վահագն Խաչատուրյանն ընտրվեց Հայաստանի Հանրապետության նախագահի պաշտոնում: Այս ընթացքում դժվար է մատների վրա հաշվել, թե ինչ հանրագուտ աշխատանք է կատարել Վահագն Խաչատուրյանը: Միակ բանը, որով թերեւս կարող ենք հիշել Վահագն Խաչատուրյանի պաշտոնավարման մեկ տարին, սկանդալն էր, որում նա հայտնվեց նախորդ տարվա սեպտեմբերին: Խոսքը դրվագի մասին է, երբ Խաչատուրյանը Մեծ Բրիտանիայի թագուհի Եղիսաբեթ Երկրորդի դագաղի մոտ լուսանկարվել էր՝ մի վայրում, որտեղ լուսանկարվելն արգելված է: Ամբողջ մայիս ամսվա նրա գործունեությունը սահմանափակվել է միայն շնորհավորական ուղերձներ հղելով, օրինակ՝ մայիսի 3-ին, 5-ին, 17-ին: Ապրիլ ամսվա ընթացքում եւս շնորհավորական խոսքերը բազմաթիվ են եղել, օրինակ՝ ապրիլի 17-ին, 24-ին, 25-ին: Նա ապրիլին եղել է նաև Դիլիջանում, մեկնել արտերկիր, Մատենադարանում միջոցառման մասնակցել: Թե ինչ օգուտ են տվել այս այցերն ու ընդունելությունները Հայաստանին, դժվար է ասել, բայց որ սուղ բյուջեից 3 մլն 200 հազար ԱՄՆ դոլար է ծախսվել ըստ էության ոչինչ չանելու համար, փաստ է:



ՀՀ արդարադատության նախարարությունը բավականին ակտիվ է մեկ անձից կատարվող գնումների հարցում: «Ժողովուրդ» օրաթերթը տեղեկացավ, որ 4 մլն 117 հազար դրամ ընդհանուր արժողության պայմանագիր է կնքված եղել՝ ապրիլի 18-20 «Հոլիդեյ ինն» հյուրանոցում ճաշի եւ սուրճի հյուրասիրության համար: Մեկ այլ պայմանագրով՝ 138 հազար դրամ է տրամադրվել պատվիրակության անդամների՝ օդանավակայանից դեպի հյուրանոց եւ հակառակ ուղղություններով: Եւս 56 հազար դրամ է ծախսվել նախարարության կողմից 8 շաբթ գնելու համար: 362 հազար էլ տրամադրվել է պաշտոնական ճաշի մատուցման համար: Այսինքն՝ ստացվում է՝ նախարարությունը բավականին ակտիվ է հյուրեր ընդունելու ու ճանապարհելու հարցում. մնում է՝ այդպես արագ եւ արդյունավետ կարողանա աշխատանքները կազմակերպել:



ԲԱՂՁԱԼԻ ՏԱՐԱԾՔ

# ՀԱՆՐԱՒԹՅԱՆԸ ԱԴԱՊՏԱՑՆՈՒՄ ԵՆ

Մայիսի 14-ին Բյուտեղում տեղի էր ունեցել ՀՀ վարչապետ Նիկոլ Փաշինյանի, Ադրբեջանի նախագահ Իլհամ Ալիևի եւ Եվրոպական խորհրդի նախագահ Շառլ Միշելի հանդիպումը: Եռակողմ հանդիպումից հետո Շառլ Միշելը հայտարարեց, որ հաջորդ ֆայլը լինելու է դելիմիտացիան Ալմա-Աթայի հռչակագրով, որը ենթադրում է Հայաստանի սահմանային ամբողջականության ճանաչում՝ 29,8 հազար ք/կմ սահմաններում, եւ Ադրբեջանին՝ 86,6 հազար ք/կմ-ի: «Ժողովուրդ» օրաթերթը բյուտեղյան հանդիպման եւ Շառլ Միշելի հանդիպման վերաբերյալ գրուցել է ֆադետինգոզ Վիզեն Հակոբյանի հետ:

-Պարոն Հակոբյան, ինչ է ենթադրում Միշելի հայտարարությունը: Կարո՞ղ ենք արձանագրել, որ Բյուտեղում Հայաստանը համաձայնել է ճանաչել Արցախը՝ որպես Ադրբեջանի մաս:

-Ընդհանուր առմամբ, ինձ համար ոչ մի լուրջ անակնկալ չկար բյուտեղյան հանդիպումից, Շառլ Միշելի հայտարարության մեջ եւս նոր բան չկար: Կարծում եմ վերջին շրջանում Հայաստանի իշխանությունները Ադրբեջանի հետ բանակցային գործընթացը, մասնավորապես՝ Արցախի շուրջ, վարում են մոտավորապես «Արցախը՝ Հայաստանի դիմաց» բանաձեռով: Ժամանակ կար, որ ասում էին՝ «տարածքներ՝ կարգավիճակի դիմաց», նմանատիպ կարճ ֆորմուլաներ էին առաջ բերում «խաղաղություն» տարածքների դիմաց»: Այժմ, իմ կարծիքով, պարզ բանաձեռ է դրված սեղանին: Փաշինյանն ասում է, որ Արցախը մենք տալիս ենք, բայց դրա դիմաց Ադրբեջանը պետք է ճանաչի խորհրդային Հայաստանի 29.800 ք/կմ տարածքը: Այս տրամաբանությունից ելնելով՝ Բյուտեղում, ըստ էության, ասվել է, որ ես ճանաչում եմ քո ամբողջ տարածքը՝ Ալմա-Աթայի հռչակագրով: Ադրբեջանի տարածքը հաշվարկել են Արցախը ներառյալ 86.600 ք/կմ: Այսինքն՝ երբ հայտարարում են, որ Հայաստանը ճանաչում է 86.600 ք/կմ տարածքը, դա նշանակում է, որ Արցախը մեխանիկորեն Ադրբեջանի մեջ են ներառում, իսկ Ալիևն էլ հայտարարել է,



որ ճանաչում է Հայաստանի 29.800 ք/կմ, այսինքն այն բաղձալի տարածքը, որը, ըստ Նիկոլ Փաշինյանի, կարմիր գիծն է:

-Պարոն Հակոբյան, այսինքն՝ ըստ Ձեզ՝ բյուտեղյան հանդիպմանը որեւէ նոր պայմանավորվածություն ձեռք չի բերվել, այլ քննարկվել է այն, ինչի մասին մինչ այս խոսել է Փաշինյանը, որ Հայաստանը ճանաչում է Ադրբեջանի տարածքային ամբողջականությունը:

-Այս առումով նորությունը այն էր, որ հանրային տիրույթում հայտնվեց թիվ՝ 86.600 ք/կմ-ն, բայց չեմ կարծում, որ դա հանդիպմանը առաջին անգամ է քննարկվել բանակցային գործընթացում: Իմ կարծիքով՝ այդ ամենը նախկինում էլ է քննարկվել: Երբ Փաշինյանը օրումեջ հայտարարում է, թե ճանաչում է Ադրբեջանի տարածքային ամբողջականությունը, բնականաբար հարց է առաջանում՝ ո՞րն է այդ տարածքը, այսինքն՝ այդ հարցը մշտապես քննարկվել է: Հիմա հանրությանը աղապտացնում են այն մտքին, որ այլեւս Արցախը Հայաստանի անվտանգային ճարտարապետության հետաքրքրությունների մեջ չէ, աստիճանաբար սովորեցնում են, որ Արցախը հանձնվում է Ադրբեջանին: Պաշտոնապես չեն ասում, որ հանձնում են, այլ ասում են, որ, ըստ քննարկվող փաստաթղթի, Արցախը ճանաչում են՝ որպես Ադրբեջանի տարածքային ամբողջականություն:

Հրույցեց ԲՐԻՍԿՆԵ ՍՈՒՇԵՂՅԱՆԸ

ՎՄՏԱՐՈՒԹՅԱՆ

## ՀԱՆՐԱՔՎԵ՝ ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ

«Ժողովուրդ» օրաթերթի լավատեղյակ աղբյուրները Արցախից հայտնում են, որ Արցախի նախագահ Արայիկ Հարությունյանը որոշել է ընդառաջ գնալ Աժ նախագահ Արթուր Թովմասյանի առաջարկին եւ, ամենայն հավանականությամբ, առաջիկա մեկ ամսում վստահության հանրաքվե անցկացնել Արցախի Հանրապետությունում: Նշենք, որ մինչեւ հանրաքվե նշանակելը պետք է Արցախի խորհրդարանն իր հաստատումը տա այն անցկացնելու համար: Այս հանրաքվեով Արցախի ժողովուրդը եւս մեկ անգամ կամ «կընտրի» Արայիկ Հարությունյանին, կամ՝ նրան կմերժի: Մեր իրազեկ աղբյուրները նշում են, որ դա տեղի կունենա առաջիկա մեկ ամսվա ընթացքում: Իսկ ինչ վերաբերում է Արթուր Թովմասյանի այն առաջարկին, թե պետք է Սամվել Բաբայանին նշանակել Արցախի պետնախարար, կամ Ռուբեն Վարդանյանին ինչ-որ ձեռով ներգրավել Արցախի կառավարման հարցերին, ապա այդ թեմաները ընդհանրապես չեն քննարկվում Արցախում: Այսինքն՝ պետնախարար Գուրգեն Ներսիսյանը կշարունակի պաշտոնավարել, իսկ Արայիկ Հարությունյանի պաշտոնավարման հարցը կորոշի արդեն արցախցին, բայց, ամենայն հավանականությամբ, Հարությունյանը հանրաքվեի միջոցով կշարունակի կրկին պաշտոնավարել:

## ՀԱՎԱՆՈՒԹՅԱՆ ԱՐԺԱՆԱՑՐԵՑ

Կառավարությունն իր վերջին նիստում հավանության արժանացրեց նախագահին, վարչապետին եւ Աժ նախագահին, ինչպես նաեւ նրանց ընտանիքի անդամներին պետական բյուջեի միջոցների հաշվին բժշկական օգնության ու սպասարկման կազմակերպման եւ ֆինանսավորման մասին որոշման նախագիծը: Հետայսու ոչ միայն այդ երեք բարձրաստիճան պաշտոնյաները, այլեւ նրանց կանայք, երեխաներն ու ծնողները բուժում կստանան մեր վճարած հարկերի հաշվին: Թե քանի միլիոնավոր դրամներ կհոսեն այդ նպատակով, ցույց կտա ժամանակը, բայց այս որոշումը աչքի է ընկնում մեկ այլ իրողության ֆոնին: Մայիսի 17-ին՝ ադրբեջանական հերթական ռազմական ագրեսիայի ժամանակ, մահացու վիրավորում էր ստացել ոչ միայն զինծառայողը, այլեւ ադրբեջանական ՋՌԻ-ն կրակել էր վիրավորին օգնության հասած շտապօգնության մեքենայի վրա՝ վիրավորելով բուժակին: Ինչպես նկարներից պարզվեց, այդ մեքենան հնամաշ մեքենա էր, մինչդեռ իշխանությունները կարող էին այդ գումարներն ուղղել ոչ թե սեփական բարեկեցությանը, այլ զրահապատ շտապօգնության մեքենաներ ձեռք բերելու: Դրա հնարավորությունը կա: Փոխարենը կառավարությունը որոշում է ընդունում պաշտոնյաների ու նրանց ընտանիքի անդամների անվճար բուժօգնության մասին, մարդկանց, որոնք այսօր փոխադրվում են զրահապատ մեքենաներով:

ՔՆՆԱԴԱՏԵԼ Է

# ԽԱՉԱՏՐՅԱՆԸ ՇԱՆՏԱԺ Է ԱՆՈՒՄ ԼԱՎՐՈՎԻՆ

Աժ ԲԳ իբխող խմբակցության ղեկավար Վիզեն Խաչատրյանը երեկ խորհրդարանում ճեղագրույցի ժամանակ, ֆինադատել է ՌԴ ԱԳ նախարար Մերգել Լավրովին, ու սա՛ այն դեղում, երբ Մոսկվայում ԱԳ նախարարների հանդիպում է նախատեսված: Այսինքն՝ ստացվում է, որ իբխանության ներկայացուցիչներն անգամ դիվանագիտական էթիկա դասեր չգիտեն ու միայն խոսում են Եանճաժի լեզվով:

Հիշեցնենք, որ Վիզեն Խաչատրյանը խորհրդարանում հայտարարել էր. «Ի տարբերություն Արեւմուտքի՝ Մոսկվայի պարագայում ունենք միջնորդ, որը ստանձնել է որոշակի պարտավորություններ, եւ, հետեւաբար, իմ սպասելիքները նրանից ավելի շատ է»:

Նրա խոսքով՝ երբ «էկոակտիվիստները» փակել էին դեպի Արցախ ճանապարհը, ՌԴ ԱԳ նախարար Մերգել Լավրովը հայտարարեց, որ միջանցքի բացումն օրերի հարց է: «Մտածում էի՝ հիմք ունի, որ այդպես է ասում, բայց, դրա փո-



խարեն, անցակետ տեղադրվեց: Նույն Լավրովն ասում էր՝ բացառվում է անցակետը: Չեմ կարող հասկանալ ՌԴ պահվածքը», - ասել է Խաչատրյանը: Հետադարձ է մի բան՝ արդյոք ինքնագուրու է հաջարյանն անում այս հայտարարությունը, թե ՀՀ վարչապետ Նիկոլ Փաշինյանի հետ համաձայնեցված է. երկու դեպքում էլ նրա արածը որեւէ տրամաբանության մեջ չի տեղավորվում:

ԻՐԱՎԻՃԱԿ

ԲԱՆԱԿՑՈՒԹՅՈՒՆՆԵՐ

ՎԵՐՋՆԱԿԱՆ ՀԱՄԱՁԱՅՆՈՒԹՅՈՒՆԸ ՀԱՄԱՆԵԼԻ Է

ՌԴ ՊԱՏՎԻՐԱԿՈՒԹՅՈՒՆԸ ՀԱՅԱՍՏԱՆՈՒՄ

ՀՀ տարածքային կառավարման եւ ենթակառուցվածքների նախարարի տեղակալ Արմեն Սիմոնյանն ընդունել է ՌԴ տրանսպորտի նախարարության տրանսպորտի անվտանգության վարչության պետ Անատոլի Դեմյանովի գլխավորած պատվիրակությունը:

Նախարարի տեղակալը, ողջունելով հյուրերին, բարձր է գնահատել ռուսական կողմի հետ տրանսպորտի ոլորտում առկա համագործակցությունը:

Խոսելով տրանսպորտի ոլորտում անվտանգության ապահովման մասին՝ կողմերը խոսել են ճանապարհային քարտեզի քննարկման եւ ընթացիկ հարցերի ավելի համակարգային ուսումնասիրության մասին:

Հանդիպման ընթացքում անդրադարձ է կատարվել նաեւ ավիացիոն ու ավտոմոբիլային հաղորդակցությանը, հանրային տրանսպորտի ենթակառուցվածքներին, երկուստեք կարելով է փորձի փոխանակումն ու միջգերատեսչական ակտիվ աշխատանքի շարունակությունը:

ԳԱՏԱԽԱԶՈՒԹՅԱՆ ԳՆՈՒՄՆԵՐԸ

ՀՀ գլխավոր դատախազությունը 570 հազար դրամի ծաղկային կոմպոզիցիաներ է գնել: ArmLur.am-ը տեղեկացավ, որ դատախազությունը մեկ անձինգ գնումների ընթացակարգով պայմանագիր է կնքել «Էլվա գոլդ» ընկերության հետ: Պայմանագրից տեղեկանում ենք, որ դատախազությունը 13 հատ ծաղկային կոմպոզիցիա է գնել եւ այդ ամենի համար վճարել 570 հազար դրամ: Հավելելով, որ այս ընկերության մասին այնքան էլ տեղեկություններ հայտնի չեն, սակայն նշվում է, որ ընկերության տնօրենը Անուշ Վիրապյանն է:

2022Թ.-Ի ՀԱՐԿԵՐԸ

Մայիսի 29-ին խորհրդարանում մեկնարկելու են 2022 թվականի պետական բյուջեի նախագծի կատարման հաշվետվությունը: Այն կսկսվի մշտական հանձնաժողովների համատեղ նիստերում:

ArmLur.am-ը տեղեկացավ, որ մայիսի 29-ին նախատեսված է նաեւ Նիկոլ Փաշինյանի այցը խորհրդարան: Այդպիսով, տեղեկացանք, որ ՀՀ 2022թ. պետական բյուջեի կատարման վերաբերյալ հաշվետվության համաձայն՝ պետական բյուջե է մուտքագրվել 1,819.0 մլրդ դրամի հարկ եւ 106.8 մլրդ դրամի տուրք: 2013-2022թթ. ԱԸՀ եւ եկամտային հարկի գծով վճարները կազմել են պետական բյուջեի եկամուտների հիմնական մասը: Այդ երկու հարկատեսակների գծով մուտքերը 2013-2021թթ. կազմել են հարկերի եւ տուրքերի 60.4-67.4 տոկոսը: 2022թ. վերջին 10 տարվա ընթացքում առաջին անգամ ԱԸՀ եւ եկամտային հարկի գծով մուտքերը հարկերի եւ տուրքերի 60 տոկոսից պակաս են եղել:

Հայաստանի արտաքին գործերի նախարար Արարատ Միրզոյանը հայտարարել է խաղաղության յուրաքանչյուր նախագծի մի փունջ հարցերի շուրջ առաջընթացի մասին: «Այն հարցերում, ինչպիսիք են հաղորդակցությունների աղաճառակալումը, Արմա-Արայի հռչակագրի հիման վրա սահմանազատումը, փոխըմբռնում է զգացվում: Իհարկե, մենք ոչե՛ս է աշխատենք այս գործընթացի դարձնել հետագա հսակեցման ուղղությամբ»,- ասել է նա Մոսկվայում Արքեպանի եւ Ռուսաստանի գործընկերների հեթանոսություններում: Միրզոյանն ընդգծել է հետագա էսկալացիայի կանխարգելման եւ ուժի կիրառումից զերծ մնալու կարևորությունը: «Հայաստանը հավասարիմ է մնում մեր ղեկավարների բոլոր եռակողմ հայտարարություններին: Մենք աշխատում ենք կառուցողական», - եզրափակեց նա: ՌԳ ԱԳ նախարար Սերգեյ Լավրովը նույնպես հայտարարել է, որ Ռուսաստանի, Հայաստանի եւ Արքեպանի ղեկավարների յուրաքանչյուր լուրջ լուրջ հարցում պետք է կատարվի խիստ զգուշացում եւ հարավային կողմի կողմնակցությունը: «Ռուսաստանը չի փորձում խաղաղության հասանումը եւ կանի ամեն ինչ, որոնքսով իրավիճակի կայունացման որոշումները իրականացվեն», - ասել է նա:



Բարձրագույն տնտեսական խորհրդի նիստին: Մենք շահագրգռված ենք նպաստել Հայաստանի եւ Ռուսաստանի ղեկավարների միեւ բոլոր պայմանավորվածություններին»,- ընդգծել է նա: Միրզոյանն իր հերթին մատնանշել է, որ Ռուսաստանը կորցրել է վերահսկողությունը Հաջինի միջանցքի նկատմամբ: Նա հիշեցրել է այնտեղ բազմի անցակետի տեղադրման մասին: «Թեեւ 2020 թվականին Նոյեմբերի 9-ի եռակողմ հայտարարության մեջ հստակ սսվում է, որ միջանցքը պետք է մնա Ռուսաստանի վերահսկողության տակ, ցավոք, դա հիմա չի կարելի ասել», - ընդգծեց Միրզոյանը: Հայաստանի եւ Արքեպանի արտագործնախարարների նախորդ բանակցությունները ԱՄՆ-ում կայացել են մայիսի 1-4-ը:

Վաշինգտոնում նրանք հանդիպել են Էլթոնի Բլինքենի եւ ազգային անվտանգության հարցերով խորհրդական Ջեյք Սալիվանի հետ: Բանակցություններից հետո Հայաստանի ԱԳՆ-ն հայտարարել է, որ Երեւանն ու Բաքուն առաջընթաց են գրանցել, սակայն որոշ հարցերի շուրջ կողմերի դիրքորոշումները դեռեւս տարբերվում են: Արքեպանի ԱԳՆ-ն նաեւ հայտարարել է, որ ԱՄՆ-ում կայացած բանակցություններում կողմերին հաջողվել է համաձայնության գալ խաղաղ համաձայնագրի որոշ կետերի շուրջ՝ ընդգծելով, որ բավարար տարածաշրջաններ են մնացել: Բլինկենը նշել է, որ Երեւանն ու Բաքուն «ընդամենը առաջընթաց» են գրանցել, իսկ վերջնական համաձայնությունը «հասանելի է»:

ԼՈՒՐԵՐ

ԸՆԿՐՄԱՆ ԽՈՐՀՐԳԱՆՑՈՒԹՅՈՒՆՆԵՐ

Արցախի Հանրապետության նախագահ Արայիկ Զարուբանյանը մայիսի 18-ին հանդիպել է Ազգային ժողովի «Ազատ հայրենիք-ՔՄԿ» խմբակցության պատգամավորների հետ:

Քննարկվել են Արցախի առջեւ ծառայած ներքին եւ արտաքին մարտահրավերները, շեշտվել է ստեղծված իրավիճակում ներքին կայունության պահպանման անհրաժեշտությունը:

Նախագահ Զարուբանյանը հայտարարել է, որ առաջիկայում լսելու է բոլոր շահագրգիռ կողմերի տեսակետները, քննարկելու է առաջարկները:

«Քաղաքական խորհրդակցությունների ավարտին ընդունվելու են որոշումներ, որոնք հնարավորություն կտան խուսափել ներքաղաքական ճգնաժամից եւ չխարխլել պետականության հիմքերը»,- նշել է ԱՀ նախագահը:

ԽՈՍՏՈՒՄ

Թուրքիայի նախագահ Ռեջեփ Էրդողանը հաստատել է, որ մտադիր է աշխատել ԱՄՆ նախագահ Զո Բայդենի հետ մայիսի 28-ին կայանալիք նախագահական ընտ-

րությունների երկրորդ փուլում իր հաղթանակի դեպքում:

«Անկասկած, ես կաշխատեմ պարոն Բայդենի հետ»,- ասել է նա՝ պատասխանելով CNN հեռուստաալիքի հաղորդավարուհու համապատասխան հարցին:

Էրդողանը նշել է, որ Բայդենի՝ ԱՄՆ նախագահի պաշտոնից հեռանալու դեպքում «կաշխատի նրա հետ, ով կփոխարինի Բայդենին»:

ԸՆՈՍԿՈՂՄ ՀԱՆԳԻՊՈՒՄ

Թուրքիայի, ՌԴ-ի, Սիրիայի եւ Իրանի պատվիրակությունների հանդիպումը՝ համապարփակ բանակցությունների համար, հնարավոր է հունիսի վերջին:

«Սրտաքին գործերի նախարարների վճռական հանդիպումից հետո Թուրքիայի եւ Սիրիայի հարաբերությունների կարգավորման գործընթացում հաջորդ շփումը նախատեսվում է փոխնախարարների միջեւ: Որպես համապարփակ բանակցությունների ժամկետ՝ նշվել է հունիսի վերջը»,- գրել է պարբերականը:

Պարբերականի ունեցած տեղեկության համաձայն՝ ԱԳՆ ղեկավարների քառակուսի հանդիպումը Մոսկվայում ավելի չափավոր էր, քան տեխնիկական պատվիրակությունների նախորդ հանդիպումները:

«Թուրքիայի առաջնահերթությունների շարքում առավել նկատելի թեման պայքարն է ահաբեկչության դեմ: Այդ հարցի մասին տեղեկացվել է Սիրիայի արտաքին գործերի նախարար Միկհայիլ Ֆեյսալին բոլոր ասպեկտներով: Առաջարկվել է «Նախաձեռնել համատեղ քայլեր ահաբեկչության դեմ պայքարում»: Հայտարարվել է, որ Քրդական աշխատավորական կուսակցության՝ YPG-ի (արգելված է Թուրքիայում) ներկայությունը Թել Ռիֆայթում եւ Մանբիջում՝ Եփրատից արեւմուտք, կարող է մաքրվել համատեղ գործողությունների ընթացքում, եւ որ այդ շրջանները կարող են վերադարձվել Սիրիայի վերահսկողության տակ: Սիրիական կողմը ես հասկանալ է տվել, որ կարող է համատեղ գործել ահաբեկչության դեմ պայքարում»,- նշել է թերթը:

Թերթի աղբյուրները տեղեկացրել են, որ Թուրքիան բանակցություններ է վարում նաեւ սիրիական ընդդիմության հետ՝ քաղաքական գործընթացում փոխզիջման հասնելու համար:

«Ինչ վերաբերում է փախստականների վերադարձին, ապա հիմնական սկզբունքը կամավոր, անվտանգ եւ արժանապատիվ վերադարձն է: Այդ նպատակով օրակարգում դրված է այդ գործընթացում Ռուսաստանի, Իրանի եւ Թուրքիայի ներգրավման հարցը՝ որպես երաշխավորների»,- տեղեկացրել է թերթը:

7 ՄԵՂԱԴՐՅԱԼՆԵՐ

ԿԵՂԾ ՄԵՐՏԵՖԻԿԱՏՆԵՐ՝ ՊԱՏՎԱՍՏՄԱՆ ԴԵՄ

ՀՀ ԲՆՆՅԱԿԱՆ ԿՈՄԻՏԵԻ ՇԻՐԱԿԻ մարզային ԲՆՆՅԱԿԱՆ վարչությունում իրականացված ԲՆՆՅԱԿԱՆ և վարուբային գործողությունների արդյունքում դարգվել են «Գյումրու Վ. Աբաջյանի անվան քննադատական բժշկության կենտրոն» ՓԲ ընկերության աշխատակիցների կողմից կորոնավիրուսային հիվանդության (COVID-19) դեմ ամբողջական դասվասոված լինելու հանգամանքը հավաստող կեղծ սերտեֆիկատների դիմաց առևտրային կառավարման և սահմանադրության հանգամանքները:



Քրեական վարույթի շրջանակներում մեղադրանք է ներկայացվել ընկերության տնօրենին և 6 աշխատակցի: Քննությանը ձեռք բերված փաստական տվյալներով հիմնավորվել է, որ «Գյումրու Վ. Աբաջյանի անվան քննադատական բժշկության կենտրոն» ՓԲ ընկերության տնօրենը, գործընկերային հարաբերությունների մեջ գտնվելով նույն ընկերության պատվաստման կաբինետի բուժքույր-վակցինատորի պաշտոնը զբաղեցնող աշխատակցի հետ, 2021թ. սեպտեմբերին վերջինիս հանձնարարել է 6-7 անձի վերաբերյալ կազմել և տրամադրել «COVID-19» հիվանդության դեմ պատվաստված լինելու հանգամանքը հավաստող կեղծ սերտեֆիկատներ:

Որոշ դեպքերում որպես կաշառք տրված գումարների դիմաց, իսկ որոշ դեպքերում էլ, նույն ընկերության աշխատակիցների խնդրանքները կատարելու անձնական շահագրգռվածությունից ելնելով, բժշկական կենտրոնի բուժքույրը՝ ընդհանուր շուրջ 65, իսկ բուժքույր-վակցինատորը, ընդհանուր շուրջ 120 ՀՀ քաղաքացիների չպատվաստելով սահմանված դեղատեսակներով և դեղաչափերով, վերջինների կողմից COVID-19-ի դեմ ամբողջական պատվաստված լինելու վերաբերյալ ակնհայտ կեղծ տեղեկություններ և գրառումներ են կատարել համապատասխան մատյաններում և անկետաներում: Դրանց հիման վրա կազմված ակնհայտ կեղծ տեղեկություններ պարունակող փաստաթղթերը դրվել են շրջանառության մեջ՝ մուտքագրվել են «ԱՐՄԵԴ» համակարգ, և նրանց անվամբ տրվել են բովանդակությամբ ակնհայտ կեղծ սերտեֆիկատներ: Այդ քաղաքացիներին հնարավորություն է տրվել շրջանցել Հայաստանի Հանրապետությունում և օտարերկրյա պետություններում հակահամա-

ճարակային միջոցառումների շրջանակներում կիրառված սահմանափակումները: Ձեռք բերված բավարար փաստերի հիման վրա՝ «Գյումրու Վ. Աբաջյանի անվան քննադատական բժշկության կենտրոն» ՓԲ ընկերության տնօրենին մեղադրանք է ներկայացվել՝ պաշտոնական լիազորությունները չարաշահելու համար, ընկերության բուժքույրը և բուժքույր-վակցինատորին՝ առևտրային կաշառք ստանալու և փաստաթղթեր կեղծելու, ընկերության և 4 աշխատակցի մեղադրանք է ներկայացվել՝ առևտրային կաշառք ստանալու և փաստաթղթեր կեղծելու դրդելու (օժանդակելու) համար: Մեղադրյալներից 5-ի նկատմամբ որպես խափանման միջոց է ընտրվել բացակայելու արգելքը, իսկ երկուսի նկատմամբ՝ գրավը: Նախաքննությունն ավարտվել է: Քրեական վարույթի նյութերը՝ մեղադրական եզրակացությամբ, ուղարկվել են հսկող դատախազին՝ այն հաստատելու և դատարան ուղարկելու համար:

ԼՈՒՐԵՐ

ՁԵՐԲԱԿԱՎԱԾՆԵՐ ԿԱՆ

Մայիսի 18-ին՝ կեսգիշերն անց, Քրեական ոստիկանության գլխավոր վարչության ծառայողները, օպերատիվ տվյալներն իրացնելով, ոստիկանության Լոռու մարզային վարչության և Թումանյանի բաժնի գործընկերների հետ իրականացրած ծավալուն օպերատիվ-հետախուզական միջոցառումների շնորհիվ Ալավերդի քաղաքի Սանահին Կայարան թաղամասի շենքերից մեկում հայտնաբերել ու ձերբակալել են Քրեական օրենսգրքի սպառնալուծության և ապօրինի կերպով գեներ կրելու մեղադրանքներով 2021 թվականից հետախուզվող 29-ամյա մի երեսնացու:

Հիշեցնենք մանրամասները. 2021 թվականի նոյեմբերի լույս 11-ի գիշերը՝ ժամը 2.45-ից սկսած, մայրաքաղաքի տարբեր բժշկական կենտրոններից ոստիկանության Քանաքեռ-Զեյթունի բաժնի ահազանգեր էին ստացվել, որ հրագենային վնասվածքներով հոսպիտալացվել է 6 անձ: Նրանցից 61-ամյա Արտուշ Սիմոնյանն ու 38-ամյա Արթուր Բորյանը, գիտակցության չգալով, մահացել էին: Հիվանդանոցներ մեկնած օպերատիվ խմբերը պարզել էին, որ տղամարդիկ վնասվածքները ստացել են սպանվածներից Արտուշ Սիմոնյանի՝ Քանաքեռի 16-րդ փողոցի թիվ 16 տանը: Իրավապահները հիշյալ տան բակում հայտնաբերել էին 4 ատրճանակ, երկու ինքնաձիգ, 4 տասնյակից ավելի պարկուճ: Տան բակում էին նաեւ 43-ամյա Արթուր Ղազարյանի և 37-ամյա Արայիկ Խաչատրյանի դիտրը: Նրանք ստացել էին կյանքի հետ անհամատեղելի հրագենային վնասվածքներ:

Հայտնաբերված հետախուզվողը կալանավորվել է, նախաքննությունը շարունակվում է:

Հետախուզվողը հայտնաբերվել է Ոստիկանության Նոր Նորքի բաժնի քրեական հետախուզների ձեռնարկած միջոցառումների շնորհիվ՝ մայիսի 17-ին Ջուղայի փողոցի շենքերից մեկում հայտնաբերվել և բաժին է ներկայացվել 30-ամյա Մովսես Մ.-ու, որը հետախուզվում էր ՀՀ նախկին քրեական օրենսգրքի 362-րդ հոդվածի (Դասալքությունը) 3-րդ մասի մեղադրանքով:

Խափանման միջոցը՝ բացակայելու արգելք:

ՀՐԱԳԱԳԱՐԻ ԽԱԽՏՈՒՄ

Մայիսի 18-ին Ադրբեջանի ՋՈՒ-ն շփման գծի հյուսիսային, արեւելյան և կենտրոնական ուղղությամբ խախտել է հրադադարը՝ կիրառելով հրաձգային գեներ և ՀԱՆ-17 նռնակներ: Այս մասին հայտնում են Արցախի ՊՆ-ից: «Բերդաշեն գյուղի հատվածում ադրբեջանական կողմը կրակ է բացել այգում աշխատող քաղաքացիական անձանց և ՀԱՆ-17 նռնակներից Կաշենի հանքավայրի ուղղությամբ: Հայկական կողմը կորուստներ չունի: Ժամը 10:00-ի դրությամբ իրավիճակը շփման գծում հարաբերականորեն կայուն է»,- նշվում է հաղորդագրության մեջ:

ԼՈՒՐԵՐ

ԸՆԿԵԼ Է ԷԼԵԿՏՐԱԳԵՆԱՑՔԻ ՏԱԿ

Մայիսի 18-ին՝ ժամը 13:30-ի սահմաններում, Արագած-Քարակերտ հատվածում «Հարավկովկասյան երկաթուղի» ընկերության Գյումրի-Երեւան երթուղով ընթացող ԷՊ-2Դ էլեկտրազանցքը վրաերթի է ենթարկել ճանապարհին հայտնված մի մարդու. տեղեկացնում են ՀԿԵ-ից: Էլեկտրազանցքի մեքենավարն արտակարգ արգելափակում է կիրառել, սակայն չի կարողացել կանխել բախումը: Տուժածը՝ 1962թ. ծնված Հրաչ Միհրանի Մկրտչյանը, ծանր վիճակում տեղափոխվել է հիվանդանոց: Երթուղով գնացքների երթելուության ժամանակացույցը խախտվել է ավելի

քան 2 ժամով: «Հարավկովկասյան երկաթուղի» ընկերությունը հայցում է ընկերության վերահսկողությունից անկախ միջադեպի հետետեսքով տուժած ուղեւորների ներողամտությունը: Ընկերությունը եւս մեկ անգամ հորդորում է քաղաքացիներին և տրանսպորտային միջոցների վարորդներին հետետել ճանապարհային երթելուության կանոններին, դուրս չգալ երկաթուղային գծեր և զգոն լինել երկաթուղային ենթակառուցվածքներում:

ԿՐԱԿՈՑՆԵՐԻ ՊԱՏՃԱՌԸ

Երեկ՝ մայիսի 19-ին, կրակոցներ են հնչել Երեւանում: Ժամը 9:20-ի սահմաններում ՀՀ Ներքին գործերի նախարարու-

թյան ոստիկանության Մաշտոցի բաժնի ահազանգ է ստացվել, որ Բաշինջաղյան 166 տան դիմաց կրակոցներ են հնչել: Գ. Շամշյանի տեղեկություններով՝ դեպքի վայրից 1 հոգի հրագենային վնասվածքներով տեղափոխվել է «Արմենիա» բժշկական կենտրոն: Վիրավորը Դավիթաշեն վարչական շրջանի դեկավարի տեղակալ Կորյուն Մխիթարյանն է: ArmLur.am-ի տեղեկությունների համաձայն՝ Դավիթաշենի թաղապետի տեղակալի վրա կրակելու պատճառը եղել է այն, որ երկու մեքենայի վարորդներ չեն գիշել ճանապարհը միմյանց, ինչից հետո սկսվել է լեզվակոշիվ, և արտասահմանյան ամենազնայն մեքենայից կրակոցներ են արձակել Դավիթաշեն վարչական շրջանի դեկավարի տեղակալ Կորյուն Մխիթարյանի ուղղությամբ:

ՔՆՍՐ ՄԱՆՈՒԿՅԱՆ

● Ըստ ոստիկանության տվյալների՝ մայիսի 18-ից 19-ը Հայաստանի Հանրապետությունում բացահայտվել է հանցագործության 65 դեպք, որոնցից 2-ը՝ նախկինում կատարված:

ՄԱՐԶ

ՄԻՋՈՑՆԵՐԸ ՀԱՅՏՆԻ ՉԵՆ

Տավուշի մարզի գյուղատնտեսական կառավարման...

ՀՐԱԺԱՐՎԵԼ ԵՆ ՊԱՏԵՐԱԶՄ ՄԵԿՆԵԼՈՒՑ

Գրիգորի Ներսիսյանին մեղադրանք է առաջարկվել...

ՈՍԿԱՆ ՍԱՐԳՅԱՆ Տավուշ

ՓԱՍՏԱԲԱՆ

ՋԻՆՎՈՐԻ ՄՈՐԸ ՄՊԱՌՆՈՒՄ Է 4-8 ՏԱՐՎԱ ԱԶԱՏԱԶՐԿՈՒՄ

Չոհված զինծառայող Ժորա Մարտիրոսյանի մոր՝ Գայանե Մարտիրոսյանի գործով միջնորդությամբ...



«Խափանման միջոցի միջնորդությամբ ներկայացվել էր երեք հիմնավորում փախուստը, նոր հանցանքի կատարումը...»

կափաստարկները, դատավորը ընդամենը լսում է: Այս դեպքում նախագահող դատավորը մանրամասն է...

Հիշեցնենք, որ մայիսի 17-ին վարչապետի ընտանիքին պատկանող «Յայկական ժամանակը» տեղեկություն էր տարածել...

ՄԱՆԿԱԿՊՐՈՒՄԵՋ

ԹՈՒՆԱՎՈՐՎԱԾ ԵՐԵՒԱՆԵՐ

Ոստիկանությունից հաղորդում է ստացվել այն մասին, որ 2023թ. մայիսի 18-ին...

թունավորման պատճառները, բնույթը, եղանակը պարզելու ուղղությամբ:

ԲԲԸ են տեղափոխվել «Արտաշատ քաղաքի թիվ 4 մտուր-մանկապարտեզ»:

Պարզվել է, որ երեխաները բուժօգնությունը ստանալու և սկսել են տեղափոխվել...

Նշանակվել է դատասանության, դատանյութագիտական և դատաբժշկական համալիր փորձաքննություն:

Արագ արձագանքելով ստացված տեղեկատվությանը՝ Արարատի մարզային կենտրոնի տեսուչները...

● Անցած 1 օրվա ընթացքում Հայաստանի Հանրապետությունում արձանագրվել է 18 ՃՏՊ. 1 մարդ զոհվել է, 26-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

«ԿՈՆՎԵՐՍ ԲԱՆԿ»-Ի ՀԱՂԹՈՂՆԵՐԸ



«Կոնվերս բանկ»-ն ամփոփել է MC Woman'sCard քարտապանների համար արշավի արդյունքները՝ հաղթողներին հանձնելով արժեքավոր մրցանակներ:

Արշավին մասնակցել են բանկի մոբայլ հավելվածի օգտատեր, Mastercard Woman'sCard բոլոր քարտապանները:

Հաղթողները որոշվել են պատահականության սկզբունքով և կազմակերպված միջոցառման ժամանակ ստացել մրցանակները՝ Միջերկրական ծովով ճամփորդության ուղեգիր՝ երկու անձի համար, 2 Apple watches Ultra Series, 3 Fujifilm Instax Mini 11, 3 Xiaomi power bank, 5 Xiaomi LED makeup mirror:

«Ինձ հաջողակ եմ համարում, միշտ դրական եմ տրամադրվում, և հաճախ կյանքը զարմացնում, ուրախացնում է իր անակնկալներով: «Կոնվերս բանկ»-ի այս մրցանակը մեծ ոգեւորություն պարգևեց: Ո՛վ չի երագում մեկնել ճամփորդության, այն էլ՝ անվճար: Այս անգամ բախտն ինձ ժպտաց: Համոզված եմ, որ «Կոնվերս բանկ»-ն այուհետ ես այսպիսի անակնկալներ է մատուցելու հավատարիմ հաճախորդներին», - իր խոսքում ասել է գլխավոր մրցանակակիր Նարինե Հայրապետյանը:

Բանկում նշվել է, որ հաճախորդների խրախուսման արշավները լինելու են շարունակական՝ ընդգրկելով հաճախորդների հնարավորինս լայն շրջանակ: Դրանցից առաջինի մասին «Կոնվերս բանկ»-ը կհայտարարի առաջիկա օրերին:

Բանկը վերահսկվում է ՀՀ ԿԲ կողմից:

ԻՐԱՑՎԵԼ Է ՈՐՊԵՍ ԹԹՎԱՍԵՐ

«Արբան» եւ «Պարգե» ՍՊ ընկերությունների կողմից բուսական յուղի առկայությամբ «Աշտարակ կաթ» ապրանքային նշանով արտադրանքը մակնշվել է իրացվել է որպես թթվասեր:

Այս մասին հայտնում են ՍՊՀ-ից: Մրցակցության պաշտպանության հանձնաժողովը «Արբան» եւ «Պարգե» ՍՊ ընկերությունների նման վարքագիծը որակել է հասարակության մոլորեցման դրսևորմամբ անբարեխիղճ մրցակցություն է թիվ 217-Ա որոշմամբ նշանակել է 17 504 452 ՀՀ դրամի չափով տուգանք:

ՎԵՐՎԱՆՔՆՈՒՄ

ԵՐՎԱՆ-Ի ԱՇԽԱՏԱՆ ԲԱՂԱՔԱՏԵՂԻ ՊԵՂՄԱՆ ԱՇԽԱՏԱՆՔՆԵՐԸ

ԿԳՄՍ նախարարության դասնության եւ մշակույթի հուշարձանների դահլիճային վարչության աշխատակիցներն այցելել են ՀՀ Արմավիրի մարզի Երվանդաւոս բնակատեղի եւ Սուրբ Շուշանավանք եկեղեցի:



Հին Երվանդաշատը գտնվում է Հայաստանի եւ Թուրքիայի սահմանագրտում: Խորհրդային տարիներին այդ տեղանքներում հնագիտական ուսումնասիրություններ չեն կատարվել, եւ միայն կարճատեւ այցերի եւ աղբյուրագիտական տվյալների հիման վրա է որոշվել պատմական Երվանդաշատի տեղը: Հնագիտական եւ հետախուզական պեղումներ Երվանդաշատ եւ Բագարան գյուղերի տարածքներում իրականացվել են 2005-2012 թթ. ՀՀ ԳԱԱ կողմից՝ Ֆելիքս Տեր-Մարտիրոսովի ղեկավարությամբ: Հիմնական պեղվող հուշարձանը եղել է Երվանդ արքայի հիմնադրած որսորդական պալատը:

Պատմության եւ մշակույթի հուշարձանների պահպանության վարչության աշխատակիցներն այցի ընթացքում ծանոթացել են սահմանամերձ Երվանդաշատ քաղաքատեղիի ներկա վիճակին, ուսումնասիրել պահպանված ավերակները եւ դիտարկել հետագա պեղումների հնարավորությունը: Սահմանամերձ փակ գոտում գտնվելը նպաստել է հուշարձանի պահպանմանը: Ըստ դիտարկման արդյունքների՝ առկա են կացարանների պատերը, սենյակները եւ կարասները: Պեղումներից հետո կարասային սրահների ոչ բավարար ամրա-

կայման հետեւանքով դրանք հայտնվել են ոչ պատշաճ վիճակում: Խնդիրներին լուծում տալու նպատակով առաջիկայում միջոցներ կծեռնարկվեն:

Հաջորդ հուշարձանը ՀՀ Արմավիրի մարզի Բագարան գյուղի մոտ գտնվող Սուրբ Շուշանավանք եկեղեցին էր, որը թվագրվում է 10-րդ դարասկզբով՝ կառուցված Աշոտ Բագրատունու օրոք: Վեցախորան եկեղեցու հարավարեւմտյան խորանին կցված կառույցներից պահպանվել են քառախորան եկեղեցու արեւմտյան եւ հյուսիսային խորանների միացման հանգույցը եւ վեցխորան եկեղեցու հարավային պատին կցված հինգ աստիճաններով գաղտնուղու թաղի հյուսիսային հատվածը: Եկեղեցու գլխավոր արեւմտյան կամարակապ մուտքն այժմ

փակված է կոպտատաշ շարվածքով: Թե՛ արեւմտյան եւ թե՛ հարավարեւմտյան մուտքերի ծախակողմյան մասում պահպանվել են կամարակապ շքամուտքի որմնասյուները:

Մասնագիտական խումբը դիտարկել է եկեղեցու վերականգնման հնարավորությունը՝ հաշվի առնելով տեղադիրքը (այն նույնպես գտնվում է սահմանամերձ փակ գոտում), մոտեցման ճանապարհը, տեխնիկայի համար տարածքի հասանելիությունը:

Առաջիկայում կկազմվի Շուշանավանքի ամրակայման, նորոգման եւ վերականգնման տեխնիկական բնութագիրը, որից հետո կհայտարարվի նախագծանախահաշվային փաստաթղթերի կազմման մրցույթը:

ՀԱՅՏԱՐԱՐՈՒԹՅՈՒՆ

ԿՐԿՆԱՃՈՒՐԳԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ

2023թ. հունիսի 8-ին՝ ժամը 12:30-ին, Պատմիկ Կիրակոսյանի սնանկության գործով կառավարիչ Ա. Էրոյանի կողմից Բ. Երեւան, Արշակունյաց 5, սենյակ 311 հասցեում կանցկացվի «Ամերիաբանկ» ՓԲԸ-ում գրավադրված եւ սեփականության իրավունքով Պատմիկ Կիրակոսյանին դասկանող աճեաթ գույքի աճուրդ՝ 1 ԱՏՏ-ով: Գույքն իրենից ներկայացնում է՝

ԼՏՏ-1. ՀՀ ք. Երեւան, Մալաթիա-Սեբաստիա համայնք, Շերամի փողոց, 23 շենք, 3 բնակարան հասցեի անշարժ գույքը, 77.3 քմ մակերեսով անշարժ գույքի սեփականության իրավունքի գրանցման թիվ 17102019-01-0101 վկայական:

Մեկնարկային գինը սահմանվում է 23,004,000 ՀՀ դրամ:

Աճուրդին մասնակցելու համար պետք է ներկայացվեն՝

- աճուրդի ներկայացված լոտի մեկնարկային գնի 1%-ի չափով (բայց ոչ ավելի 200,000 ՀՀ դրամից) մասնակցության վճարի վճարումը հավաստող փաստաթղթի պատճենը,
  - աճուրդի ներկայացված լոտի մեկնարկային գնի 5%-ի չափով նախավճարի վճարումը հավաստող փաստաթղթի պատճենը:
- Աճուրդի մասնակցության վճարը եւ նախավճարը վճարվում են կանխիկ կամ փոխանցումով Գառնիկ Կիրակոսյանի սնանկության հաշվին՝ «Հայթիվես-



բանկ» ՓԲԸ-ի «Նոր Արեշ» մասնաճյուղ՝ 1150021127007018 հաշվեհամարին, մինչեւ հայտ ներկայացնելու պահը: Աճուրդին մասնակցել ցանկացողները սույն հայտարարությունից հետո՝ ընդհուպ մինչեւ աճուրդին նախորդող օրվա ժամը 16:00-ն, կարող են հայտ ներկայացնել ՀՀ սնանկության դատարան /ք. Երեւան, Օտյան 53/2/:

Աճուրդն անցկացվում է դասական եղանակով. հաղթող է համարվում առավել բարձր գին առաջարկած մասնակիցը: Ցանկացողները կարող են լուսն ուսումնասիրել, ինչպես նաեւ աճուրդի կանոնակարգին ծանոթանալ՝ դիմելով կառավարիչ Ա. Էրոյանին / 094 411 487/:

«Հոդվորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԱՐԶԱԶԵՎ

ԿԳՄՄՆ ԿՆՔԵԼ Է ԵՌԱԿՈՂՄ ՀՈՒՇԱԳԻՐ

ՀՀ ԿԳՄՄՆ հասարակայնության հետ կապերի և ժողովրդական վարչությունից ArmLur.am-ը ժողովրդական, որ ՀՀ կրթության, գիտության, մշակույթի և սպորտի նախարարության և Մեղանի ֆուտբոլի Հայաստանի և միջազգային ֆեդերացիաների միջև կնքվել է եռակողմ հուշագիր՝ ի նպաստ Հայաստանում մարզաձևի զարգացմանը ու մասնաշաղկապացմանը: Հուշագիրը ստորագրել են ԿԳՄՄ նախարարի տեղակալ Կարեն Գիլոյանը և Հայաստանի սեղանի ֆուտբոլի ֆեդերացիայի նախագահ Գոռ Ավետիսյանը: Այն էլեկտրոնային եղանակով կստորագրի մասնաձևի միջազգային ֆեդերացիայի նախագահ Ֆարիդ Լուևիսը:



ԿԳՄՄ նախարարի տեղակալ Կարեն Գիլոյանը հույս է հայտնել, որ հուշագրի կնքումը կնպաստի մարզաձևի զարգացմանն ու նոր նախագծեր իրականացնելու ավելի լայն հնարավորություններ կընձեռնի: «Սեղանի ֆուտբոլը զարգացող մարզաձև է, իսկ դա նշանակում է՝ պետք է այն պահենք ուշադրության կենտրոնում: Ծիջտ է՝ այն օլիմպիական մարզաձև է, բայց հատկապես դարձրեցինք երեխաների համար ֆիզիկական ակտիվության ապահովման լավ այլընտրանք է», - ասել է Կարեն Գիլոյանը՝ փաստելով, որ պետությունն աջակցում է մարզաձևի՝ դարձրեցին հասակ երեխաների շրջանում մասնաշաղկապացման գաղափարին:

Կողմերը տեսակապով գրուցել են նաև Սեղանի ֆուտբոլի միջազգային ֆեդերացիայի նախագահ Ֆարիդ Լուևիսի հետ: Վերջինս փաստել է՝ Հայաստանում մարզաձևի զարգացման լուրջ հեռանկարներ կան: Հայաստանի սեղանի ֆուտբոլի ֆեդերացիայի ներկայացուցիչների խոսքով՝ պետության աջակցությունը զգալի շատ կարևոր է մարզաձևի հետագա զարգացման ճանապարհին: Հայաստանի սեղանի ֆուտբոլի ֆեդերացիայի նախագահ Գոռ Ավետիսյանի խոսքով՝ ամենակարևորը նախագծերից մեկը «100 ֆուտբոլի սեղանի՝ դարձրեցին» ծրագիրն է, ինչպես նաև հաշվառման միջոցով մարզական համար մարզաձևով զբաղվելու հնարավորությունների ապահովումը հատուկ սեղանների միջոցով: «100 ֆուտբոլի սեղանի՝ դարձրեցին» նախագիծը պիլոտային ծրագիր է, որը միջազգային ֆեդերացիայի նախաձեռնությամբ իրականացվելու է 10 երկրում, այդ թվում՝ Հայաստանում:

«Նպատակն այն է, որ երեխաներն ավելի քիչ զբաղվեն հեռախոսներով և ֆիզիկապես ակտիվ լինեն: Ծրագրի շրջանակում երեխաներն և մարզերի դպրոցներում անվճար հիմունքներով կտեղադրվեն ֆուտբոլի 100 սեղաններ, որոնցով երեխաները կխաղան դասամիջոցներին կամ դասերից հետո: Հաջորդ քայլն այդ դպրոցներում խմբակների հիմնումն է, իսկ ֆեդերացիան տրամադրելու է լավագույն մարզիկներին ու մարզիչներին երեխաների հետ աշխատելու նպատակով», - ասում է Գոռ Ավետիսյանը:  
Երա խոսքով՝ մարզաձևը Հայաստանում բավականին լայն տարածում ունի. կազմակերպվում են նաև ներքին առաջնություններ, միջազգային մրցաշարեր: Այսպես, հետ կապված ծրագրերն էլ շատ հավակնոտ են: «Մեզ մի քանի քայլ է բաժանում սեղանի ֆուտբոլի աշխարհի խաղերը Հայաստանում ընդունելուց: Արդեն իսկ միջազգային մրցաշար ենք կազմակերպել ու ամեն տարի նախատեսում ենք 6-7 մեծ մրցաշար անցկացնել մեր երկրում: Նախորդ երկու տարիներին մեր հավաքականները մասնակցել են Եվրոպայի ու աշխարհի խաղերին: Վստահ եմ համատեղ ուժերով կկարողանանք հասնել մեր առջեւ դրված նպատակներին», - նշում է Գոռ Ավետիսյանը:  
Ֆեդերացիայի ներկայացուցիչների խոսքով՝ սեղանի ֆուտբոլով կարող են զբաղվել բոլորը՝ առանց տարիքային, սեռային և ֆիզիկական կարողությունների սահմանափակման: «Սա այն սպորտն է, որը նաև ժամանցային բաղադրիչ է պարունակում և մարզիկային ջերմ ու ընկերական հարաբերություն է ձևավորում նաև միջազգային հարթակներում», - եզրափակում է ֆեդերացիայի նախագահը:  
Սեղանի ֆուտբոլը Հայաստանում տարածվել է 2014 թվականից. անցկացվել են մրցաշարեր, եւ ավելի շատ մարզիկ են սկսել զբաղվել այդ մարզաձևով՝ հող նախապատրաստելով ֆեդերացիայի հիմնադրման համար, որը տեղի է ունեցել 2019 թվականին:

Լիլա ԵՐԿՈՒԶՈՐՅԱՆ

ՄՐՅԱՆԱԿ

ԱՌԱՋԻՆ ԿԻՆ ԶԵՌՆԵՐԵՑԸ

Safe YOU-ի հիմնադիր և գործադիր տնօրեն Մարիամ Թորոսյանը Եվրոպայի լավագույն երեք ձեռնարկատերերից մեկն է, ով արժանացել է Cartier Women's Initiative մրցանակին: Մրցանակը շնորհվում է ֆինանսավորվում է տաղանդավոր, ազդեցիկ ձեռնարկատերերի կողմից:  
Մարիամ Թորոսյանն ընտրվել է գենդերային բռնության դեմ պայքարելու իր հանձնառության համար՝ կանխարգելման նպատակով արհեստական ??ինտելեկտի տեխնոլոգիաների կիրառմամբ նորարարության միջոցի, ինչպես նաև դատական հետապնդման և համակարգային փոփոխություններ ստեղծելու համար լրացուցիչ գործիքներ տրամադրելու համար:  
Cartier Women's Initiative-ն իր 16-ամյա պատմության ընթացքում առաջին անգամ որպես ֆինանսիստ Հայաստանից կին ձեռնարկատեր է ընտրել: Սա կարևոր իրադարձություն է Safe YOU-ի համար, որը հիմնադրվել է Մարիամ Թորոսյանի կողմից 2020 թվականին գենդերային բռնության դեմ պայքարելու և գենդերային հավասարությունը խթանելու համար: Նախաձեռնությունը նպատակ ունի հզորացնել կանանց՝ նրանց տրամադրելով անվճար անվտանգության սարքավորումներ և ռեսուրսներ վտանգավոր իրավիճակներում օգնություն փնտրելու համար, ինչպես նաև հեռահար իրավական և հոգեբանական աջակցություն: Ծրագիրը նաև աշխատում է ընտանեկան բռնության մասին իրազեկվածության բարձրացման և Հայաստանում գենդերային հավասարության խթանման ուղղությամբ:  
Cartier Women's Initiative-ը ուղղված է բիզնեսում ներգրավված կանանց աջակցելուն, որոնց գործունեությունը դրական ազդեցություն ունի հասարակության և շրջակա միջավայրի վրա: Դրա հիմնական նպատակն է ապահովել, որ յուրաքանչյուր կին ձեռնարկատեր կարողանա օգտագործել իր ողջ ներուժը: Ծրագիրը ուղղված է տարբեր ոլորտների բիզնեսներին՝ ներառյալ առողջապահությունը, կրթությունը, շրջակա միջավայրը, տեխնոլոգիաները և սոցիալական ձեռնարկությունը: Տարիների ընթացքում ծրագիրն աջակցել է ամբողջ աշխարհից բիզնեսի լայն շրջանակներին:  
«Ինձ համար պատիվ է այս տարի ընտրվել որպես CWI-ի 33 նոր անդամներից մեկը և միանալ մոտ 300 ազդեցիկ ձեռնարկատերերի համաշխարհային համայնքին, որոնք ամեն օր ազդում են փոխում են աշխարհը, - ասել է Մարիամ Թորոսյանը: - Լավագույն եռյակում լինելը մեր Safe YOU թիմի քրտնաջան աշխատանքի և նվիրվածության ճանաչման մասին է խոսում, ինչպես նաև այն ազդեցության, որ մեր նախաձեռնությունն ունի կանանց կյանքի վրա թե՛ Հայաստանում, թե՛ դրա սահմաններից դուրս»:

ԻՆՉ Է ՍՊԱՍԿՈՒՄ

ԹԱՆԳԱՐԱՆՆԵՐԻ ԳԻՇԵՐԸ՝ ՊԱՏՄՈՒԹՅԱՆ ԹԱՆԳԱՐԱՆՈՒՄ

ArmLur.am-ը ժողովրդական, որ մայիսի 20-ին ժամը 18:00-ին, «Թանգարանների գիշեր» համաեվրոպական միջոցառման շրջանակում Հայաստանի դասնության բանգարանում ժողովրդական մշակույթի ցուցադրության արահների վերաբացում:

Վերաբացվելու են «Բրոնզի դար. իրականության և առասպելների միջով», «Երկաթի դար», «Աստվածների թագավորությունը. Ուրարտու/Բիայնիլի», «Ուժ և գեղեցկություն. Աստիկ Հայաստան» խորագիրը կրող ցուցադրանքները: Բացմանը կհաջորդի համերգային ծրագիր:

Ցուցադրության շրջանակում կներկայացվեն Հայաստանի պատմության թանգարանի հնագիտական հավաքածուից եզակի և բարձրարժեք նմուշներ, այդ թվում՝ հայ հնագիտության ամենանշանակալի գտածոներից՝ Զ.ա. 22-21-րդ դդ. Զարաշամբի գեղապետի դամբարանից գտնված արծաթե դրվագագարդ գավաթը, Զ.ա. 15-14-րդ դդ. թվագրվող Լճաշենի պեղումներից գտնված քառանկյա սայլը, որը ծառայել է որպես դիակառք, Արգիշտի I արքայի սաղավարտը, Էրեբունի (Երեւան) քաղաքի հիմնադրման մասին Արգիշտի I արքայի արձանագրությունը, ռիտուներ, որոնք ծառայում էին պաշտամունքային բնույթի արարողությունների ժամանակ սրբազան հեղուկներ կատարելիս, ինչպես նաև արձանիկներ, զենքեր, զարդեր, ծիսական անոթներ, կնիքներ, դրամներ՝ գտնված Էրեբունուց, Լճաշենից, Արգիշտի, Լոռի Բերդից, Զարաշամբից և Հայաստանի այլ հուշարձաններից:

Ցուցադրության բացումից հետո՝ ժամը 20:30-ին, տեղի կունենա «Մենք ենք, մեր բարբառները» խորագիրը կրող համերգային ծրագիր՝ «Օուլակ» ավանդական երգի-պարի խմբի կատարմամբ (գեղարվեստական ղեկավար՝ Գագիկ Գինոսյան): Ծրագրի ընթացքում խումբը հանդես կգա Հայաստանի տարբեր տարածաշրջաններին հատուկ երգ ու պարով:

● Մայիսի 21-ին «Մեցրո» ակումբում տեղի կունենա Another Story Band համերգային փառատոնը: Տոմսերի արժեքը՝ 4000 դրամ: Սկիզբը՝ ժամը 21:00-ին:



## ՍՈՑԻԱԼԱԿԱՆ

**ՀԱՐՑ. Ուզում եմ իմանալ՝ «Արսահանում» մաքսային ընթացակարգի կիրառման դեղին ինչ մաքսային վճարներ են գանձվում: Եվ խնդրում եմ ասել, թե մաքսային ձեռնարկներն իրականացնելիս օտարերկրյա ֆաղափաղին կարող է արդյոք հանդես գալ որդես հայտարարում:**

Նելլի Մխիթարյան (33 տարեկան)



**ՊԱՏԱՍԽԱՆ.** Հայտնում ենք, որ «Մաքսային կարգավորման մասին» Հայաստանի Հանրապետության օրենքի 89-րդ հոդվածի համաձայն՝ ՀՀ-ից արտահանվող ապրանքների համար մաքսատուրքի դրույքաչափը սահմանվում է 0 տոկոս, իսկ «Ավելացված արժեքի հարկի մասին» ՀՀ օրենքի 16-րդ հոդվածով՝ ՀՀ մաքսային սահմանից դուրս «Արտահանում» մաքսային ընթացակարգով արտահանվող ապրանքների հարկվող շրջանառության նկատմամբ սահմանված է ԱԱՀ-ի 0 տոկոս դրույքաչափ: Մաքսավճարի դրույքաչափերին ծանոթանալու համար անհրաժեշտ է առաջ-նորդվել «Մաքսային կարգավորման մասին» ՀՀ օրենքի 97-րդ հոդվածով:

Հայտնում ենք նաև, որ անհրաժեշտ է առաջնորդվել «Մաքսային կարգավորման մասին» ՀՀ օրենքի 161-րդ հոդվածի սահմանված դրույթներով, համաձայն որոնց՝ որպես հայտարարատու կարող է հանդես գալ՝

- 1) Միության անձը, եթե նա՝
  - ա. կնքել է արտաքին տնտեսական գործունեության պայմանագիր, կամ նրա անունից (հանձնարարությամբ) կնքվել է արտաքին տնտեսական գործունեության պայմանագիր,
  - բ. ունի ապրանքների տիրապետման, տնօրինման, օգտագործման իրավունք՝ անկախ արտաքին տնտեսական գործունեության պայմանագրի առկայությունից,
  - 2) անձնական օգտագործման ապրանքներ տեղափոխող օտարերկրյա ֆիզիկական անձը,
  - 3) փոխադրողը կամ Միության անձ հանդիսացող առաքողը՝ տարանցման հայտարարագիր ներկայացնելու դեպքում:

**ՀՀ պետական եկամուտների կոմիտե**

**«ԺՈՂՎՈՒՐԳ».** Նկատելիք, որ մաքսատուրքի վճարման ժամկետների փոփոխությունը կատարվում է վճարման հետաձգման կամ տարաժամկետ վճարման ձեռով՝ Միության անդամ պետությունների միջազգային պայմանագրերով սահմանված հիմքերի եւ պայմանների առկայության դեպքում եւ կարգով:

## ԿԱՐԳ

**ՀԱՐՑ. Ամուսնությունից հետո անձի ազգանվան փոփոխության դեղին, եթե Կադասրի դեմական կոմիտեի կողմից նախկինում սրամարված վկայականում գրված է մինչամուսնական ազգանունը, հնարավո՞ր է արդյոք փոփոխել ազգանունը նաև վկայականում:**

Սոնա Ֆեռյան (42 տարեկան)



**ՊԱՏԱՍԽԱՆ.** Ս. Ֆեռյանի հարցին ի պատասխան՝ տեղեկացնում ենք, որ նման դեպքում ամուսնության գրանցման վկայականը՝ ազգանվան փոփոխության մասին համապատասխան նշումով, անշարժ գույքի գրանցման վկայականի հետ միասին կարող է ներկայացվել Հայաստանի Հանրապետության կադաստրի պետական կոմիտեի աշխատակազմի սպասարկման գրասենյակ կամ օպերատորի մասնաճյուղ, որտեղ ներկայացված փաստաթղթերի հիման վրա վկայականում կկատարվի ազգանվան գրառման փոփոխություն (2012 թվականի հունվարի 1-ից հետո տրամադրված վկայականների դեպքում կտրամադրվի նոր վկայական): Ընդ որում՝ վկայականում փոփոխություն կատարելու կամ փոփոխված ազգանվամբ նոր վկայական ստանալու համար գանձվում է անվանափոխման գրառման վճար՝ 2000 դրամի չափով:

**ՀՀ կադաստրի կոմիտե**

**«ԺՈՂՎՈՒՐԳ».** Եթե ամուսնության ընթացքում ամուսինների ձեռք բերած եւ նրանց համատեղ սեփականությունը հանդիսացող գույքի նկատմամբ գրանցվել է ամուսիններից միայն մեկի սեփականության իրավունքը այն հիմքով, որ իրավունքի գրանցման համար հիմք հանդիսացած իրավահաստատող փաստաթղթերում որպես իրավատեր նշված է եղել միայն ամուսիններից մեկը, ապա նման գրանցման գործողության ընթացքում, ամուսինների համատեղ դիմումի հիման վրա, այդ գույքի նկատմամբ կարող է գրանցվել ամուսինների համատեղ սեփականության իրավունքը:

## ԼՈՒՐ ԿԱՐԴ

Լուսանկարն արվել է Երեւանում



Երեւանի Նուբարաշենի քաղաքային աղբավայրում հրդեհ է բռնկվել: ArmLur.am-ի տեսախցիկը ֆիքսել է, թե ինչ է կատարվում աղբավայրում: Երեւանը ամբողջությամբ ծածկված է այդ հրդեհի ծխով, ու ողջ քաղաքով տարածված է ծխի տհաճ հոտը:

## ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

### ԱՌԱՋԱՐԿ

#### հայկական տպագիր մամուլից

«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

---

#### Բաժանորդագրության բլանկ

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ա.

## ԵՂԱՆԱԿԻ ՏԵՍՈՒԹՅՈՒՆ



	Շիրակ	-2 + 2 +13 + 19		Արարատ	+6 + 8 +21 + 23
	Կոտայքի լեռներ	-2 + 2 +12 + 19		Արմավիր	+6 + 8 +21 + 23
	Կոտայքի նախալեռներ	+5 + 7 +16 + 19		Վայոց ձորի լեռներ	-2 + 1 +14 + 20
	Գեղարքունիք	0 + 5 +16 + 19		Վայոց ձորի նախալեռներ	+6 + 8 +21 + 23
	Լոռի	+3 + 9 +18 + 22		Սյունիքի հովիտներ	+6 + 9 +16 + 19
	Տավուշ	-2 + 1 +14 + 18		Սյունիքի նախալեռներ	-1 + 4 +13 + 16
	Արագածոտնի լեռներ	+4 + 7 +16 + 20		Արցախ	+7 + 11 +16 + 20
	Արագածոտնի նախալեռներ	+7 + 9 +21 + 23		Երեւան	+6 + 8 +20 + 22

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 19.5.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: